

國

朝

列

卿

紀

國朝列卿紀卷之四十二

柱國少傅兼太子太傅工部尚書豐城雷禮

提督應安等府學校監察御史同邑徐

南京禮部尚書年表

蔚

綬直隸合肥人洪武中國子生永樂十九年以右侍郎掌部事洪熙元年任宣德四年致仕卒於家

張

瑛此直隸臺人鄉舉宣德元年由禮部尚書兼華蓋殿大學士調任正統元年卒於家

王

英江西金谿人進士正統十三年任景泰元年卒於官諡文安

儀

銘山東高密人官生景泰元年任

張

惠山東德州人永樂中監生景泰三年任天順元年致仕

蕭

暉江西泰和縣人宣德丁未進士天順四年任

鄒

幹

浙江餘姚人進士成化五年任

倪

謙

應天上元人正統己未進士成化十二年任計三年致仕卒贈太子少保謚文僖

李

本

四川富順人進士成化二十二年任二十二年被劾開住

耿

裕

河南盧氏人進士成化二十二年任

黎

淳

湖廣華容人狀元弘治元年任四年致仕卒於家謚文僖

劉

璋

福建南平人進士弘治四年任

童

軒

江西鄱陽人南京欽天監籍進士弘治七年任十年致仕卒贈太子少保

謝

綬

江西樂安人進士弘治十年任十五年卒於官贈太子少保

王宗彝

北直來鹿人進士弘治十五年任正德元年致仕

劉

忠

河南陳留人進士正德二年任

江灝 浙江仁和人進士正德三年任四年卒於官贈太子少保謚文昭

張深 廣西平南人進士正德四年任

孫需 江西德興人進士正德四年任

張憲 江西德興人進士正德四年任本年致仕後起南京工部尚書

朱恩 南直華亭人進士正德五年任本年致仕

柴昇 河南內鄉人進士正德五年任

喬宇 山西樂平人進士正德六年任

李遜學 河南上蔡人進士正德十年任

吳儼 直隸宜興人進士正德十一年任十二年卒贈太子少保謚文肅

邵寶 直隸無錫人進士正德十四年起本部尚書以終養辭十六年再起本部尚書未任卒贈太子少保謚文莊

章懋 浙江蘭谿人會元正德十六年起本部尚書未任致仕卒於家贈太子少保謚文懿

楊廉 江西豐城人進士嘉靖元年任本年致仕卒贈太子少保謚文恪

秦金 南直無錫人弘治癸丑進士嘉靖二年任本年遷戶部尚書

顏頤壽 湖廣巴陵人弘治庚戌進士嘉靖二年任

沈冬魁 直隸阜城人弘治庚戌進士嘉靖二年任六年致仕

顧清 直隸華亭人弘治癸丑進士嘉靖七年由禮部侍郎乞休起南京禮部侍郎晉本部尚書致仕卒于途謚文僖

劉龍 山西襄垣人弘治己未進士嘉靖七年任

嚴嵩 江西分宜人弘治乙丑進士嘉靖十一年任

湛若水 廣東增城人弘治乙丑進士嘉靖十二年任

霍韜 廣東南海人正德甲戌進士嘉靖十五年任

熊 浹

江西南昌人正德甲戌進士嘉靖十八年任

張 璧

湖廣石首人正德辛未進士嘉靖十九年任

閔 楷

直隸任丘人弘治乙丑進士嘉靖二十四年任

王學夔

江西安福人正德甲戌進士嘉靖二十四年任

萬 鏜

江西進賢人弘治乙丑進士嘉靖二十八年任

王崇慶

直隸開州人正德戊辰進士嘉靖三十二年任三十四年改南京吏部尚書致仕

葛守禮

山東德平人嘉靖己丑進士三十四年任三十五年致仕

閔如霖

浙江烏程人嘉靖壬辰進士三十五年任三十六年致仕

孫 陞

浙江餘姚人嘉靖乙未進士三十六年任三十九年卒於官

李 璣

江西豐城人嘉靖乙未進士三十九年任四十二年致仕

尹臺

江西永新人嘉靖乙未進士四十二年任

王廷

四川南充人嘉靖壬辰進士四十五年推未任改左都

毛愷

浙江江山人嘉靖乙未進士四十五年推未任改南吏部

林庭機

福建閩縣人嘉靖乙未進士隆慶元年任本年致仕

吳嶽

山東汶上人嘉靖壬辰進士隆慶元年任

趙貞吉

詳內閣隆慶元年任二年改掌詹事府

裴宇

山西澤州人嘉靖辛丑進士隆慶二年任三年丁憂

吳山

江西高安人嘉靖乙未進士隆慶三年起未任准致仕

潘晟

浙江新昌人嘉靖辛丑進士隆慶四年起未任改北

秦鳴雷

浙江臨海人嘉靖甲辰狀元隆慶五年任

林 燦

福建閩縣人庭機之子嘉靖丁未進士萬曆二年任

翁大立

浙江餘姚人嘉靖戊戌進士萬曆四年任改兵部

陶承學

浙江會稽人嘉靖丁未進士萬曆五年任

劉斯潔

順天昌平人嘉靖丁未進士萬曆九年任

林士章

福建漳浦人嘉靖己未進士萬曆九年未上致仕

楊 成

直隸無錫人嘉靖丙辰進士萬曆十一年任

袁洪愈

直隸吳縣人嘉靖丁未進士萬曆十二年任

姜 寶

直隸州陽人嘉靖癸丑進士萬曆十五年任

王弘誨

廣東安定人嘉靖乙丑進士萬曆十七年任



南京禮部尚書行實

蔚綬字

直隸廬州府合肥縣人秉心淳實履行端方洪武

中由監生授戶部度支主事大誥謂其故推闕葺不事事欺侮  
歷員外郎精核出納下人不得緣以爲奸革除中陞山西右叅  
議再著賢聲永樂六年陞戶部右侍郎本年改禮部右侍郎時  
尚書呂震恃才自用又深刻難測小心謹畏震亦雅重之屢知  
貢舉及充廷試提調官關防嚴密類多得人十九年定鼎北京  
震改北部綬掌部事二十二年四月綬奏四川雲南官民生駱  
進等六十一人例當給賜夏衣其琉球官生周魯美等尚猶未  
行宜一體給賜自後通年冬夏衣皆本部行文南京工部成造

依時給賜不待奏請著爲令馳奏以聞 上從之至洪熙元年  
陞禮部尚書宣德四年致仕後卒於官賜祭葬

張瑛字子玉直隸順德府邢臺縣人自幼及長豐偉凝峻識者  
奇之初補弟子員於鄉校克勤問學日有進益同輩咸推讓之  
甫弱冠卽以明經領丙子鄉薦授陝西寧州學訓導武德衛  
學訓導武臣子弟再調淮安之宿遷縣學所至嚴教條責效生  
徒多成才者永樂六年秩滿陞吏科給事中稽考銓選封駁章  
奏克舉其職十一年冊立 宣宗爲皇太孫時 成祖遴選文  
儒侍從講學瑛與選二十二年 仁宗登大寶 宣宗正位東  
宮詔陞左春坊左中允又陞左諭德改洗馬洪熙元年 宣宗

卽位首錄舊勞陞行在禮部右侍郎宣德改元之三月陞本部左侍郎兼華蓋殿大學士入閣知制誥明年陞尚書兼職如故修成祖仁宗兩朝實錄爲總裁官五年于外議命蒞南京禮部七年十月瑛上言天下儒學廩膳生員計三萬有奇歲食廩米不下數萬石朝廷養士之隆自古鮮儷洪熙定制舉額人數應天歲取八十人宣德以來稍加增益凡諸省皆然臣愚以爲人才與氣運相爲消長不可預爲額數才寡而數盈其失也濫才多而數少其失也濫矧今各府州縣教官多員缺學政廢弛士習多未正請自今副榜中式悉補教官其鄉試額數量爲加補疏入下之所司九年甲寅丁憂奪情起復賜御詩十

直隸及別系  
卷之二  
四  
餘軸楮萬緡十年瑛題稱南京文武官員月支俸給每石月支  
米二斗品級高者稍足食用其七品以下支米數少各衙門雜  
職每月六斗委實艱難乞令南京七品以下官照在京添支後  
尼不行正統元年卒於官年六十二瑛於經史善講解其侍

宣宗每於帝王傳授心法與夫修齊治平切要之言漢唐以下人  
君行事可爲勸懲者必反覆敷陳之以是日見親厚先後賜賚  
攸多當起復入見時宣宗特出親製詩詞并緡錢二千錠賜  
之退而陳之語人曰古人云稽古之力予亦云然性寬厚喜愠  
不見待人接物一以真率爲本惟讓賢能僚采協和平居嬉嬉  
然若無所介意以此人稱道之而亦嘉其遭際之爲盛云

殿學記云子觀國史謂瑛儀觀魁梧持已莊重文章政事非其所長予切惑焉夫渾朴多木強老成類遲鈍峻峻若不能言者藏辯於訥蹇蹇若無爲者晦巧於拙然則子玉若是班乎跡其所言豈其然乎

王英字時彥別號泉坡其先太原人祖宗遠宋廸功郎仕於臨川遂家金谿登永樂甲申進士第時成祖方銳意育才命翰林學士解縉選進士穎秀者與狀元曾棨等通得如二十八宿之數俾盡讀文淵閣古今書作爲班馬韓柳歐蘇文字命大官日給珍饌月賜燈油之貲數召至便殿問以經史諸子故實或至抵暮方退英在二十八人之中每爲儕輩所推讓後

上以綸綍事重以英與王直皆慎密可並任揀入秘閣書進呈機  
密奏疏歲戊子預修太祖高皇帝實錄丁亥授翰林修撰扈  
蹕巡狩北京丙申陞翰林侍讀戊戌實錄成賜襲衣綵段鈔  
錠壬寅胡寇犯邊二月上親征命扈從至濶濼兒海五月旋  
師過威虜鎮李陵城已四十里上召諭曰聞李陵城有石碑  
可往視之復遣錦衣衛官校隨之以行時城中被虜殺掠燒燬  
一空惟城北門有石出尺餘掘出狀磨觀之額曰李陵臺驛令  
謝君德政之碑其文可讀其陰刻蓮瓣花赤等官姓名明日備  
奏其故上曰此碑旣鐫有鞞鞞姓名異曰胡虜見之必以此  
池爲已物爾宜再往擊碎之用火燬沉之於河以絕其爭端英

知 旨而往既還奏 上喜謂曰秀才是二十八人讀書者朕  
需爾爲用正好宣力勿憚勞苦因問曰朕率師伐虜爾試言成  
功何如對曰胡虜犯邊罪在不宥但聞 天兵親征必遠走漠  
北臣願 陛下幸毋入險窮追也 上笑曰朕爲天下國家秀  
才之言惟不欲窮兵黷武耳復謂曰凡軍民中一切動靜或謠  
言之類爾有所聞卽來密奏又諭太監孟驥曰秀才有事卽令  
入見毋阻 上駐蹕安平鎮立功官軍因有過不與口糧者多  
相聚悲泣曰吾等糧盡必死道路矣英以爲言且曰此皆壯士  
也願 陛下宥其過而與之恩則異日必得其死力 上悅卽  
令兵部尚書李慶人給口糧并載衣甲驢一疋甲辰 上復親

征胡虜還榆木川晏駕時 仁宗在東宮命尚書蹇義夏原吉

學士楊榮楊士奇侍讀王直與英同定喪禮議國政宿內閣凡

七日 仁宗嗣位加恩賜白金綵段八月進秩侍講學士尋陞

右春坊大學士兼翰林院侍講學士明年乞歸省 賜鈔二千

緡俾馳傳而還 宣宗卽位常召入便殿謂曰洪武中學士有

宋濂吳沈朱善劉三吾永樂初則解縉胡廣俱有重名念汝當

講經史陳道義以啓沃朕心罔俾前人獨專其美賜內醢及鈔

千緡 命入內閣叅預中秘書奏乞分俸養母於家 上允其

請宣德庚戌脩 成祖 仁宗兩朝實錄成賜白金綵幣襲衣

聖詹事府少詹事兼翰林院侍講學士復賜金箱琥珀麒麟帶



壬子正月聞太淑人曾氏喪。上命禮部賜祭工部造墳遣中  
官阮童護奔喪冬十月奪哀還。朝龍遇日隆不時。召對正  
統閣開。經筵爲講官陳說詳明於文義之外多有規諫之語  
其講章於朝退之際人爭求去以爲珍寶修。宣宗實錄與少  
師楊士奇楊榮同爲總裁實錄成賜白金百兩綵段鞍馬進秩  
禮部左侍郎兼翰林侍講學士癸亥正月奉。旨出理部事講  
官如故浙江台寧等府民遭疫死甚衆。上遣齋香往祝南鎮  
以禳民厲時浙間久旱英至紹興大雨水深二尺灌獻之夕雨  
止星見明日又大雨田野沾足人皆喜曰此侍郎雨也布政使  
孫原貞等陪祀請作。御祭感應記刻石於廟而還丙寅奏京

師去冬少雪今年自春徂夏雨澤不降種不入土小民缺食此皆臣等政事不修激怒上蒼所致伏望陛下施賑恤之恩臣等宜益省愆戒飭仍乞齋沐祈禱以格天心上從其言果大雨五日先是奏請致仕不許是年七十復上章乞罷政吏部言其精力未衰上是其言不允戊辰八月上特旨陞南京禮部尚書明日謝恩畢內傳旨曰上以卿久任先朝多效勤勞陞秩南京得安佚既視事南京二年得疾而終是爲景泰元年五月十七日也春秋七十有五訃聞賜謚文安在翰林屢爲會試考官海內名士多出門下爲文章典贍朝廷制作經其筆居多四方求金石銘誌碑記者接踵其門酬應不倦

詩歌字書人罕能及 國史謂其樂易善書跌宕不拘小節云  
儀銘字子新山東萊州府高密縣人以恩廕入太學 宣宗卽  
位念銘父智侍讀 東宮舊勞特授兵科給事中久之陞翰林  
院編修正統三年與修 宣廟實錄成陞本院侍讀侍 邸王  
講書五年陞邸府長史十四年車駕蒙塵百官請 邸王監國  
言官大臣次第宜劾王振輩有 旨朝廷當別有處衆鬱憤叫  
號不已銘造膝前免冠有言於是衆皆免冠長號已而有 旨  
急籍王振等家然呼號不辨人聲不能皆聽聞惟銘長號膝行  
而前去袍服纔咫尺忽給事中王竑衆起梓指揮馬順至 上  
前曰奸臣黨在是於是 駕起門掩一闔問足履之下暴血流

矣百官稍退惟上直衛軍官候左掖門譁云尚有王毛二長隨  
在少頃校尉捧兩人送錦衣衛甫出左掖門軍衛捶死之矣初  
屍血漬碑門官呼水滌之銘曰不滌可也留與作樣子門官不  
能答識者壯之會 邲王卽位力贊征伐尋以潛邸舊恩特陞  
禮部右侍郎景泰元年開經筵又 命兼經筵官每講畢 命  
中官布金錢於地令講官拾之以爲恩典時文臣與者自內閣  
高穀江淵商輅侍講學士劉欽外惟銘與吏侍俞山兵侍俞綱  
祭酒蕭鎡諭德趙琬數人而已未幾陞南京禮部尚書在部無  
所建明二年召改兵部尚書兼詹事府詳兵部

張惠字

山東濟南府德州人永樂十六年以監生擢刑科

給事中二十二年出爲

知縣累官四川右布政使惠居

謹實無過但寡學少文景泰三年以儀銘薦起陞南京禮部尚書四年二月惠爲存省京儲奏將國子坐堂年深監生量存一千名在監肄業其餘放回依親讀書遇有缺用稍次行取七月八月雲南生張輔李敏告稱家本大理等府已經省祭依親到家又復行取程途萬里動經一二年之上方纔到監今坐堂將及三年又當省祭往復艱辛請照北監祭酒李時勉題准事例存留聽撥歷事惠上議以省祭不必拘其已經幾次但該歷事期近者准其存留聽撥若期尚遠者仍令照例省祭從之天順元年以景泰舊臣令致仕

鄒幹字宗盛別號順菴浙江餘杭人正統己未進士庚申初授兵部職方司主事歷陞署武選員外郎郎中己巳八月北虜犯邊英宗北狩京師戒嚴一時所需甲仗糧餉未能有任其劇者乃超遷兵部右侍郎幹殫竭智力日共厥事及虜退明年改元景泰被勅獎諭辛未清軍職貼黃事竣改禮部壬申奉

勅考察山西官吏癸酉河南鳳陽等處大水詔往救荒民多受惠居三年召還治部事尋陞左侍郎天順丁丑英宗復位尚書胡濙方治其事去諸冊立太禮並從幹詳定而行明年以老辭位不允未幾特拜南京禮部尚書詳禮部

倪謙字克讓應天府上元縣人生有四乳人咸異之正統戊午

鄉舉已未進士及第授編修甲子 命祀北岳已巳轉侍講使  
朝鮮景泰壬申遷左中允兼侍講侍經筵以易儲事進侍講學  
士丙子預修寰宇通志遷左春坊大學士天順紀元改通政司  
左叅議仍兼侍講遣祭遼荆楚二府還進本院學士戊寅 憲  
宗出閣充講讀官已卯主考順天鄉試以舉子奏發陰事下詔  
獄謫戍開平成化元年復學士職預修 英宗實錄三年擢南  
京禮部侍郎御史陳選劾之致仕已丑進階正議大夫資治尹  
復原職丙申陟南京禮部尚書十二年致仕卒贈太子少保謚  
文僖子岳爲吏部尚書阜布政使所著有遼海上谷玉堂歸山  
南宮等稿

李本字立之四川叙州府富順縣人正統戊辰進士選庶吉士授檢討景泰四年轉編修天順五年預修一統志進侍讀庚辰同考會試得謝一夔廷試第一人稱其有識成化三年英宗實錄成遷南京太常寺少卿十二年陞南京禮部右侍郎十三年掌部事二十年陞本部尚書二十二年被劾開住卒賜祭葬如例本性質直不爲詭異之行然慷慨尚義聞有義舉則欣然爲之其文章平實類其爲人平生不拘小節晚在禮部頗自豪縱云

耿裕字好問河南盧氏縣人景泰甲戌登進士第選翰林庶吉士丙子改授工部給事中尋改工科天順丁丑清惠任都察院



右都御史改翰林檢討當是時將臣有怙寵專恣者清惠劾奏之忤 旨出爲江西布政使裕亦出判泗州旣而丁清惠憂服滿改定州成化乙酉 朝廷知裕無罪召還復檢討丙戌同考禮部會試預修 英宗實錄進修撰仍充經筵講官成化癸未陞國子監司業丙申陞祭酒明年陞吏部右侍郎丁母太夫人憂服除轉左侍郎丙午擢吏部尚書俄忤 旨相萬贊妖人李俊省改南京禮部士論譁然不平裕器度宏遠無幾微見於色在部鎮重持靜得大臣體踰數月改南京兵部尚書詳吏部

黎淳字太樸湖廣岳州府華容縣人少苦問學從父宦遊與兄資深相師友天順丁丑 英宗復位之歲也舉進士第一授翰

林修撰預修大明一統志癸未同考禮部會試成化乙酉憲

宗卽位充經筵講官丙戌遷左春坊左諭德丁亥修英宗實

錄成進左庶子甲午考順天鄉試丁酉修資治通鑑綱目成遷

詹事府少詹事兼翰林院侍讀孝宗正儲位日侍講讀戊戌

擢吏部右侍郎丙午改南京吏部丁未九載遷左侍郎加正二

品俸弘治戊申始擢南京工部尚書尋改禮部又三年以疾致

仕而卒於家謚文僖淳天性耿介寡合尤好直言居官屢除弊

事初入翰林有以言被謫者卽以書抵當道請救其人當道者

雖不用然心實重之鄉試時有試卷奇甚後場不類疑有弊勾

稽墨卷果得謄錄生截卷狀按其事而取其卷爲解首則名上

馬中錫也人皆稱服常見天下鄉試錄多舛繆或犯國諱槌奏數十條下禮部翰林院議治考試提調官罪且申定格例行之至今及在吏部故事內批出翌日承行者必 陛陳補奏疏以防奸僞除授寢廣有諷令勿奏者執不可諷者色沮久之竟停奏在部不受私餽不行請囑尤慎形跡事涉矯託輒窮本未必暴白乃已聞人有玷行雖所甚愛必推抑不曲爲庇覆下至胥隸亦畏憚不敢犯弘治二年淳奏洪武永樂年間會試取士不拘南北自 宣宗章皇帝命內閣大臣會議始分北直隸山東河南山西陝西爲北數南直隸蘇松等府浙江江西湖廣福建廣東爲南數四川廣西雲南貴州并南直隸廬州鳳陽等府滁

和等州爲中數取士以百名爲率南數五十名北數三十五名  
中數一十五名永爲定制近因成化丁未會試四川左布政使  
潘禎建言中數人少將南北二數各退二名添與中數 祖宗  
成法妄加損益宜復宣德丁未所定數目禮部議謂允當 上  
從之素儉朴患鄉俗好侈躬自裁抑婚葬飲宴之禮人多視以  
爲則嚴取予教子不假辭色至訓諸生日疊齋不倦登科甲仕  
中外者相接踵門下逮胥吏有嚮學者輒優給役後亦多成名  
云平生好著述有龍峯集若干卷及輯 國家諸試錄合六百  
四十卷藏於家

懷麓堂稿云黎太僕世居岳之華容性介耿寒合重倫尚節痛

違祿養極嚴廟祀兄嫂卒其孤名獻民及女皆幼育爲己子遇  
二季沾愴無間言山東副使董國器妻死而董使邊未返太樸  
展省至臨清使攜其柩以歸太常卿孟大亨卒家貧不能舉太  
樸倡諸鄉宦官合贖俾襄葬事鄉吏鄧祿寓銀數十兩後祿死  
遂藏所寓物十年候其子長而還居官儉朴不受私餽常患風  
俗侈自裁損婚葬宴飲稍示節度多視以爲則所居黃洋渡積  
潦病涉發私帑築堤四十丈民甚利焉

典故紀聞曰黎淳性耿介患流俗奢侈凡婚喪燕飲皆有則取  
子不苟有門生尹華亭以紅雲布寄淳淳不受卽書其封識上  
曰古之爲令拔茶植桑今之爲令織布添花吾不用此妖服也

劉璋字廷信福建延平府南平縣人天順丁丑進士授戶部主事進郎中歷山東左右叅政陞浙江右布政使轉左成化二十一年陞都察院右副都御史總督漕運兼巡撫鳳陽二十一年改撫治郎陽未幾復改巡撫四川地方弘治元年陞工部右侍郎本年改戶部四年轉戶部左侍郎本年陞南京禮部尚書在部清慎待屬官以嚴不假色笑六年監生宋昇狂悖奪他人懸牌不服朴責以首撞柱大詬而出祭酒羅璟聞於璋璋曰風化之地豈容姑息以壞士心術行法司奏請治罪該禮部備查洪武二十六年間過監生林春等犯該杖罪照例免杖發歷事刑部

一及充吏做工等項事例不一會官議擬奏准監生有犯除公罪  
依律紀錄外有犯笞者笞罪贖仍歷一年考勤謹照歷監生出  
身如平常仍令再歷一年覆考杖罪的決充吏照吏員資格出  
身及查得永樂二年九月內生員林緝爲事照永樂元年例送  
充吏今宋昇兇潑不服教養有累監規刑部問擬違制減等  
杖九十罪名正與充吏事例相同欲將昇送吏部照例施行  
上是其議七年召改工部尚書歷太子少保致仕詳工部

童軒字士昂江西饒州府鄱陽縣人南京欽天監籍景泰辛未  
進士拜南京吏科給事中嘗疏省冗員公考察倡武勇擇師儒  
杜倖進恤民隱多見採納天順中改戶科給事中憲廟踐祚

首陳帝王之治在先本而後末者數百言四川盜熾廷議以  
軒往馳至賊所宣布恩威賊羅拜以降進都給事中復上息  
盜之策明年盜復起謫壽昌知縣久之六年擢雲南僉事提督  
學校務以敦本爲教士風丕變歷一叅政成化八年陞太常  
寺少卿十年十月命掌欽天監事弘治元年陞太常寺卿三年  
陞都察院右副都御史提督松藩軍務奏除松茂戍守之役  
人甚便之五年擢南京吏部右侍郎十年進南京禮部尚書本  
年致仕卒於家贈太子少保工吟詠得唐人體致所著有清風  
亭藁海岳涓埃論蜀藁籌邊錄若干卷

典故紀聞曰弘治時南京禮部尚書童軒言清軍一事雖曰急



務但所清之軍自洪武永樂以來遠者百餘年近者數十載而正身之存者少矣其子孫年深亦多更名避地不可卒識間有清出亦千百之一二耳所得之軍甚少所擾之民實多乞勅兵部轉行天下所司凡逃軍有經三十年以上者悉免清勾凡有願投軍籍者覆視無碍許於本處衙門註籍則民擾可除而軍亦易補矣

增

顧司寇公璘作鄉正篇以訓士稱公曰公擇地而蹈擇言而出吐辭濡翰必執其方慎哉愿乎君子以爲知言

增

謝綬字維章江西撫州府樂安縣人父輔由進士歷浙江左叅政綬承家學登景泰甲戌進士授工部都水司主事天順四年

改刑部貴州司主事。年陞湖廣司員外郎。八年陞湖廣司郎中。不尚苛刻。俱以清慎稱職。成化二年陞四川右叅議。平崇彭寇。尋丁憂。十一年起復。改廣西。適荔浦獠獞叢。殺乘機帥師圍於桂山岩。同事欲屠之。賴綬以全活者萬計。請置永安州治事。聞徵賞甚隆。十六年叅政陝西。賑饑民。築引流堤。以利農夫。立橫渠祠。以崇儒術。士民樹碑紀績。二十二年轉福建按察使。弘治元年陞廣西右布政使。三年轉雲南左布政使。本年陞右副都御史。巡撫湖廣地方。爲人忠厚。不爲赫赫之聲。人皆陰受其賜。六年改工部右侍郎。八年改刑部。九年轉左平獄。多存仁恕。十年陞南京禮部尚書。十二年三月。因災異。率南京九卿陳言。

二十八事俱剴切時弊。上從其議。十四年二月申明國子監生給假舊制。自弘治十三年以後監生入監不放依親者。除三年省親。照依舊制外。其有告回畢姻及搬取者。務要坐監半年。之上照例定限。放回如過違限期。照洪武年間事例施行。凡違兩月以上者。送問上下南監行之。性平易。與人不設城府。十五年卒於官。贈太子少保。

王宗彝。名倫。直隸保定府定鹿縣人。父文。歷內閣少保。吏部尚書。兼謹身殿大學士。景泰丙子秋。順天府鄉試。以學士劉儼侍講。黃諫主考。文與學士陳循。囑考官中倫及循子瑛。既揭榜。倫瑛不與選。文與循誣儼等不公。下獄。有旨令翰林院并科道官

履考倫瑛文字阿附者以倫瑛文章合式得特賜舉入禮科給事中張寧劾陳循罪狀不報儼得問罪還職未幾景泰晏駕文等誅英宗悉謫發口外爲民憲宗登極二家遇宥于姪放還倫以字宗彞舉成化乙酉鄉試第丙戌進士授戶部主事歷郎中督遼餉機警巧宦善附權暨十五年守臣以建州寡弱貪功賞請兵征勦至是鎮守副都御史陳鉞說太監汪直立功固寵已亦倖進虛張邊警妄請出師汪主於內遂命撫寧侯朱勇掛印總兵鉞提督軍務汪便宜生殺陞賞時建州頭目六十餘人來貢遇汪直於廣寧汪誣以窺伺奏請拘囚之既到給就鴻臚演禮入門伏起三校擒一路關擾攘困乃就押監禁在衛

虜衆不意大兵猝至壯者逃匿惟餘老弱或殺或虜凱旋獻俘  
汪直將入城諸大臣皆遠逝 上御文華殿以俟功次陞賞汪  
加祿米三千餘石勇進爵保國公鉞進都御史未幾改戶部尚  
書宗彝以督餉陞太僕寺少卿尋改右僉都御史鎮遼東餘進  
階有差未幾虜復仇爲詞屢侵邊堡搶去男婦碓舂火蒸支解  
以薊屯堡屏迹弗克耕種遼地騷然識者憂之十八年言官交  
劾直等宗彝以首相萬安曲庇降四川左叅議弘治元年陞河  
南右叅議四年陞河南右布政使本年陞都察院右副都御史  
巡撫陝西地方在關中無所建明八年陞兵部右侍郎十一年  
轉左十三年陞都察院右都御史協理院事時左都戴珊以碩

望在臺風紀振肅宗彙仰承休美無所抵牾十五年陞南京禮部尚書在部已衰齡苟延歲月正德元年致仕

劉忠字司直河南陳留縣人成化戊戌進士授翰林院編修性峻少通行方寡合一介不苟得惡人趨競自處常過抗貴人亦力抑之在翰林歷侍講幾三紀始拜侍講學士十八年進翰林學士正德二年爲講官每附經義規上缺失及諷時政不得在內傳 旨陞南京禮部右侍郎已中貴人知其高節進本部尚書本年改南京吏部尚書詳內閣

江瀾字文淵浙江杭州府仁和县人父玘舉進士官給事中至山東叅政初母陸氏有娠夢髯翁乘白鹿抱授一兒旣寤而生

甫能言卽知讀書在羣兒中雖嬉戲未嘗有嫚語六歲同隣兒  
觀錢塘江潮值父執陳僉事課以對瀾卽應聲答之且用杜阿  
段尋源之事陳大異之長充縣學生督學者累試居首成化辛  
卯舉浙江鄉試壬辰辭乙榜業太學同里學士退菴王獻嘉其  
器識遂以女妻之戊戌登進士第選翰林院庶吉士未幾丁父  
憂壬寅服闋除編修丁未充廷試受卷官尋乞歸省 賜路費  
寶鑑戊申 孝廟登極召還修 憲廟實錄筆削惟公凡 寶  
訓皆所校正庚戌充 廷試掌卷官尋充經筵展書官辛亥實  
錄成進侍讀 賜宴及白金彩幣壬子充 經筵講官每進講  
必正容殫慮以沃 聖心癸丑同考會試秉公校閱時稱得士

國朝及明系 卷之四十二

二

四百七十二

甲寅奉命冊封 荆王贈遺悉辭弗受乙卯主考應天鄉試

校閱尤精丁巳簡充 東官講官日惟靖恭輔導尋修大明會

典凡制度品式摛撫精詳庚申九載考績陞侍讀學士壬戌會

典成陞學士賜宴并楮幣千緡未幾修通鑑纂要一以春秋綱

目爲準凡切於治道人才者論斷精確是秋 武宗在東宮長

髮以講讀官 特賜白金文綺甲子考順天鄉試夙夜校閱得

士視應天尤盛乙丑 武宗嗣位以從龍恩擢詹事府少詹事

仍兼學士會上 兩官徽號進中憲大夫與修 孝廟實錄丙

寅春 上初郊祀命爲分獻官賜緋衣一襲二月首開 經筵

仍充講官 賜白金文綺楮幣五月奉 命掌翰林院事九月



恭遇 聖節以輔導舊臣賜黃金束帶尋 命爲實錄副總裁  
卅月陞吏部右侍郎協恭匪懈常著日錄以自檢獎恬退抑奔  
競人莫敢干以私丁卯 賜御製龍文詩冬陞江侍郎守法奉  
公與時鮮合值太宰張綵附逆瑾用事憾瀾不附已尋陞南京  
禮部尚書及履任凡 慶禮祀典罔不祗肅每雨暘不時請禱  
輒應人以精誠所感四年以疾卒年僅六十有四未幾瑾敗贈  
太子少保謚文昭爲人溫厚純慤不逆人詐孝敬愛友見義必  
爲尤篤於故舊凡喪不能舉旅不能歸者率爲資給平生未嘗  
言及私利大中公舊居悉讓諸弟別自構居一區徙居之常致  
書仲兄曰勿佃廢寺以貽後累立 朝三十年小心翼畏始終

如一每目必夙興趨朝雖風寒暑雨未嘗少間恒諭諸子少司  
空曉太史暉曰吾世受國恩爾曹盍自圖報稱其令  
德雅量人稱爲長者且遜敏好學仕而若爾爲詩文渾厚典實  
不事雕琢所著有銓曹春亭東川稿藏於家

張濬字仲湜廣西桂林府全州人成化進士選庶吉士授  
編修弘治己酉轉侍講戊午充東宮講官辛酉主考順天  
鄉試十二年進侍讀學士十八年陞學士尋遷國子監祭酒正  
德元年擢禮部右侍郎二年轉左己巳陟南京禮部尚書本年  
改南京戶部餘詳南京兵部

孫需字孚吉江西饒州府德興縣人成化辛卯領鄉薦第二人

甲辰登進士第筮仕爲常州府推官遠嫌自潔勤於訊鞠能聲驟起成化戊戌召入授南京四川道監察御史風裁凜凜留都皆嚴憚之妖僧以左道蠱憲廟率同列斥其罪請誅之雖遭箠未嘗以爲悔陞四川按察司副使南臺陞憲副蓋自需始會憲長缺遂署其事尋以父憂歸終喪改湖廣未上擢浙江按察使遇大獄必加審覆未嘗輕決小吏苟無大過必保全扶植之弘治庚申陞浙江左布政使民謠有前劉後孫清德著聞之語蓋以需可繼大司馬東山之躅也入覲例僉水手取銀爲道里費朝士之贊亦取辦焉需峻拒贊率從簡論者賢之及還浙未浹旬擢都察院右副都御史巡撫河南時河溢且囓汴城民流

移載道乃議役以築堤而予之備錢令出趨者萬計隄成而饑  
復濟公私便之弘治癸亥 駕帖下取河南牡丹三千本上疏  
耳目之玩不可勞民泌陽縣知縣馮憲忤宗藩已有 旨下撫  
按官會訊尋復逮赴詔獄又疏令如反汗殊戾舊法 孝廟皆  
納其言而寢之居三年屬吏競勸民視如父母然鎮守中官劉  
瑯與需水火日夜陰圖中需會大臣之子有怙勢橫於其鄉者  
需亦裁以法於是瑯計得行會陝西巡撫缺遂調往補蓋大臣  
亦不欲其久於汴也至陝西經略武備拊循士卒取權貴所私  
役復之舊伍他省有輸粟助邊者皆令躬自輦送無苦邊民而  
虜警則以義激將士督之先驅而亦環甲從之不以勞避爲甚

頃爲風寒所襲而病遂乞休 詔不允乃召還京改命撫治郎  
陽至則以文告諭之願爲編民者給牛種俾有常業願歸故里  
者給餼遺籍管內所得逋逃蓋數萬餘口又以教化爲撫民急  
務乃興建學舍擇秀民聚講其中有暇則親往課之未幾士習  
丕變應試者倍於疇昔正德丁卯陞南京兵部右侍郎過安陸  
謁 恭穆獻皇帝賜宴有厚賞辭不受 帝益賢之比至留都  
值 榮王之國過金陵欲登城一覽形勝需謂法不可擅登乃  
止已巳陞南京禮部尚書時逆瑾專柄陞者多以賄謝需方坐  
崇之累罰輸邊米數百石未數月矯 旨令致仕後起南京工  
部歷南京刑部吏部尚書卒贈太子太保謚清簡詳南京吏部

張憲江西德興人成化壬辰進士正德五年任尋改南京工部尚書詳南京工部

朱恩字汝承直隸松江府華亭縣人成化甲辰進士授行人司行人歷司副司正進工部員外丁憂起復補刑部員外郎進郎中弘治十八年陞河南副使正德二年陞河南按察使三年陞河南左布政時大學士焦芳劉宇相繼爲太宰俱爲河南人恩趨附結納以故不次陞遷本年又陞南院右副都御史後以賄納瑾四年陞南京吏部右侍郎又五年進南京禮部尚書本年瑾誅以人言閑住

柴昇字公照河南南陽府內鄉縣人成化丁未進士授工科給

事中歷工科右左給事中兵科都給事中弘治十四年陞山東  
右叅政十八年陞廣東右布政使正德元年陞山東左布政使  
二年陞都察院右副都御史巡撫陝西地方三年陞吏部右侍  
郎四年轉左爲人清潔關節不通五年陞南京禮部尚書時附  
大學士焦芳劉宇者因逆瑾事敗悉謫降爲民昇以朴直不坐  
逆黨六年陞南京兵部尚書叅贊機務未幾致仕詳南京工部  
喬宇字希大山西太原府樂平縣人成化甲辰進士丙午年授  
禮部儀制司主事是歲 皇太子婚禮成及 五王冠禮畢俱  
受文綺白金之賜明年會試天下士署提調官綜理有法徹棘  
之日簾內所用之器悉還之民丁未母卒歸弘治庚戌服闋除

吏部文選司主事壬子署考功司員外郎丁巳補郎中辛巳調  
文選司郎中門無私謁凡三與考察稱允至於拔進賢才杜塞  
僥倖屏退儉壬無不贊行之壬戌遷太常寺少卿正德丙寅命  
分祭中鎮霍山黃河西海媧皇商湯王陵及 晉代瀋諸王陵  
園事竣之日咨諏民隱六事上之多見采納戊辰轉光祿寺卿  
專以裁節浮費以甦民困爲務一歲陞戶部右侍郎庚午遷左  
侍郎春至六月不雨漕河涸奉 命禱祭海嶽遂雨辛未轉南  
京禮部尚書治尚清簡日讀 國初秘書以風四司十一年改  
南京兵部叅贊機務餘詳吏部

李遜學字希賢別號梅軒河南汝寧府上蔡人也成化丁未進



士選庶吉士授檢討弘治丙辰出補浙江僉事戊午以憂去辛酉服闋改補陝西陞副使又以憂去正德丁卯起復改山東前後更三任俱督學政所至務從寬厚頗得士心正德戊辰召入爲太常寺少卿提督四夷館仍兼侍講庚午擢戶部右侍郎提督太倉尋改禮部壬申轉左侍郎乙亥陟南京禮部尚書十一年丙子以慶賀入京調禮部詳詹事府

吳儼字克溫直隸常州府宜興縣人成化丁未進士選庶吉士授編修丙辰充經筵講官武宗出閣兼司經局校書庚申轉左中允辛丑進侍講學士掌南京翰林院事正德丙寅召修

孝廟實錄充經筵日講官兼修玉牒丁卯典順天鄉試時逆璫恃

寵招權儼於第一場以爲臣不易命題瑾心已惡之會儼擅娶  
經選掖庭女子瑾益振怒是歲朝覲考覈傳旨罷之五年瑾  
誅復職六年陞南京禮部侍郎七年改北十年陞禮部左侍郎  
十一年擢南京禮部尚書丁丑武宗北狩宜大偕府部大臣  
上疏諫不從十二年卒贈太子少保謚文肅

邵實字國賢直隸常州府無錫縣人成化甲辰進士授許州知  
州能以禮讓爲國所舉動多風教事作新廟學諭諸生義利公  
私之辨及忠孝大節聞者感動皆知慎其所自立次教之讀書  
爲文矩則許之文風蔚然改觀正穎考叔祠墓改魏文帝廟以  
祀漢愍帝祀范忠宣公於襄城裴晉公於鄆城毀龍骨杖妖

尤急民事躬課農種做朱文公社會立穢散法行計口給田法  
爲備荒計釐正糧籍民至於今稱便弘治七年徵爲戶部員外  
郎尚書周文端公劉忠宣公甚器重之十年進郎中操履清潔  
不可干以私政暇錄戶部餘例并各荒儉數目備記不遺而郵  
民隱惜財用朝省諮議多采之十三年推陞江西提學副使  
至則以身爲教先行檢而後辭黜浮崇雅士類勃興修濂溪  
書院清學田定課程遠近向慕十八年陞浙江按察使正德二  
年陞浙江右布政使三年陞湖廣左布政使鎮靜簡重足以革  
浮靡消澆訕而聲望益隆四年陞都察院左副都御史總督漕  
運時劉瑾用事一無所通瑾銜之數令以危言撼之屹不爲動

乃令致仕去瑾誅起巡撫貴州未任改戶部左侍郎疏乞終養十四年起南京禮部尚書以終養辭十六年今上嗣極大臣言官交薦再起本部尚書疏懇辭上褒以溫旨不奪其志寶性度端雅貞介夙成臨事猶講學然未嘗疾言遽色人或數百語不能終徐以數語卽竟之常曰願爲真士夫不願爲假道學於聲色貨利嬉戲事絕口不言惟達人君子前輩舊德則敬之久而弗衰一時儒碩並以天下士稱之卒贈太子少保謚文莊吾學編曰公有清譽在江淮不事改革赫赫漕大小將校皆嚴憚不敢苛黷未幾事忤逆瑾瑾又惡平江伯平江伯者漕帥也事連公瑾益怒禍且不測長沙方解得致仕又曰所著學史類

端錄二書巡撫吳廷舉上於朝詞林人物考又有容春堂集若

干卷

增

章懋字德懋浙江金華府蘭谿縣純孝鄉人天順壬午魁於鄉  
成化丙戌試禮部爲會元入翰林爲庶吉士爲劉定之柯潛獨  
與稱其不涉芟潤柯云詩本諸志而文本諸道編修甫四十日  
偕同官黃孔昭莊定山論上元烟火非是謫臨武知縣先是一  
峰羅倫論首相不當奪情亦謫時稱翰林四諫謂榜得人毛給  
諫弘陳御史壯論救拔改南京大理寺評事由儒飭吏不腐不  
深南入俸視比縮例益以堂隸顧直之麤獨無所益遷福建按  
察司僉事體仁藏用與道弛張沙龍秦寧閩漳山海之寇皆有

以伴其魁離其黨三年疏致仕以去尹冢宰長固留不可三詰而終不變時四十一人以爲難旣歸甘貧守道奉親外閉門讀書畢心體認之學而言必根志志必先用用必副功楓山授受提挈綱要所得益深士風爲之一變學子至不能容白沙一峰定山皆極推與朝論時有所薦弘治十四年南北闕祭酒倪冢宰岳起謝公鐸於北懋於南時未終制 詔虛位以待令吏侍楊守阯常卿李旻署監事十六年就官開示近裏南士意若無奇比論理道探索隱幽論天下古今事若逢其時履其地處分其虧成五經論難若寸挺撞鐘迎手而應然後知書無不讀理若事無不會學政時政有疏勤聖學重詔令儆天戒隆繼進禮

大婚有疏在 武宗廟前後兩乞致仕溫旨免留有老成端謹  
聞望素著允宜師表之褒既正德三年三疏請老而自問醫東  
下後起南京太常寺卿辭進禮部侍郎又辭既致仕儉壬鼓奸  
綱常易故縉紳罹毒在 宗社亦爲之搖獨明炳幾先而憂先  
在位者蓋炳炳然江西之寇陷浙江乃移縣城矮屋三間左寢  
右爨門垣不能備侍御鮮寬張縉給諫徐文溥劉蔭時疏舊學  
耆德表以風世詔加存問十六年 世廟入正大統再用言者  
薦加南京禮部尚書致仕有學行老成名實相稱之褒報至已  
在床褥曰噫無以爲報也疾亟與林守有年論古今事與姪贄  
論君大夫保天下國家之本取士會父子庶幾未旦故居之前

星隕申乃化辛巳除夕也壽八十六善類相吊皆曰章先生亡  
章先生亡仕籍幾六十年官僅三考立朝僅四十日城府不見  
其迹者四十餘年卒贈太子少保謚文懿國史稱其志行高潔  
自少潛心大業居常不爲異同至臨大事決大議則據經援史  
確乎不易百凡嗜好一不入其心難進易退之節世尤高之

侍郎崔銑云章公德行無瑕起掌南監日闡經訓勸士進德略  
其瑣屑常矩董吏部玘稱公留心經世之務每一政先稽古典  
次叅以制折衷於道而定矩焉家故田居諸子躬操器治農邑  
令過訪諸子輟耒跪迎在司成其子自金華徒步來省過逢巡  
檢管之已知請罪公笑曰吾子垢衣弊履宜爾不識也論者曰



古三不惑公有之矣

楊廉字方震號月湖世家江西豐城人自幼穎悟過人父崇受業於吳與弼高弟胡九韶故廉漸濡與弼之學以六經爲正宗四書爲嫡傳周程張朱爲正派而飭躬砥行不落塵紛成化工西以邑庠生中鄉試第二丁未會試第三廷試賜同進士出身改翰林庶吉士移疾家居爲苑學諸老所推重庚戌授南京戶科給事中益留心世務經史之外凡民生休戚財計盈虧邊務利害悉研究顛末思以自効丙辰丁內艱服闋補刑科給事中戊午以便養請改南京兵科因地震劾奏用事大臣首薦張元禎吳寬李東陽王鏊劉戩宜備日講講書宜用大學衍義時

論避之吏部尚書王恕被讒力言公卿不可無恕所宜優禮請  
斥遠讒邪無爲所惑楊茂元盛應期因事獲譴亟奏乞叙復他  
所論薦如周瑛周孟中王鴻張吉王雲鳳劉大夏謝鐸林俊曹  
麟等皆有時名屢上時政便宜凡十數事又兩因邊鎮有警陳  
言備禦數事 朝廷采用幾盡又嘗論宋儒周程張朱從祀之  
位宜右漢唐諸儒又因闕里重新請更立木主以華夷教偶未  
及用識者惜之庚申陞南京光祿寺少卿淹抑居幾三考惟  
潛心著述取濂洛遺言與境多所闕發書入貢 千秋節陳言  
輔導元良其說尤備丁卯陞南京太僕寺少卿時罔務多暇環  
滁諸生多執經其門徧舉先儒異論分割是非媿媿無倦容尤

謹其矩度崇廉耻有滁人費氏子諱愚者其弟隱墮溺懸馳援不遑褫衣弟因援濕衣重死淵中其聘濮氏女聞之夜縊死乃爲之紀曰夫愚爲弟死者仁也女貞爲夫死者義也號曰仁義塚以風之莫不靡然發動俄遭外艱服滿陞南京通政司右通政前此軍民投狀或寢不行廉以政主於通不宜任情行止悉分送所司仍存其底備考壬申冬陞順天府尹以文學飭吏事不如柔吐剛以省繁屏苛爲務市征襍賦皆酌其平豪猾不得爲輕重屬醜虜犯邊命將出師者再所須車輛約費銀數千兩廉以水旱連年根本宜慮力言於兵部移大興遞運所餘銀以給之仍奏免夏稅一萬七千餘石又令農民改撥者量入貲

爲賑濟備民甚賴之慮各屬巧取民財每歲辦創作底簿具載其都數使上下通曉無能爲弊凡徵稅則例鄉飲酒儀節悉加裁定遇鄉會三試所需悉從官給盡革和買借辦之擾舊號舍用葦則易以木爲經久計工部題准天下所貯吏農銀兩令解補先年物料廉亟奉行後 乾清官災遂變初議惟順天物料獲免府收例銀前後幾二十萬立法簡而有數類解旣便且絕侵欺昌平縣以歲辦不前奏准陞州請轄密雲順義懷柔三縣復奏不堪事下議乃均車輛十之六於三縣使州無偏重釐各官馬夫銀於均徭使不得多取定陵戶貧富撥補之法使不得影射皆著爲令乙亥春陞南京禮部右侍郎疏論交修論廟祀

諭巡幸語皆切至。駕臨舊都卽奏言臣僚冠服當如朝儀又請謁。太廟皆得俞旨。世廟登極用廷薦陞尚書首進大學衍義節略有旨褒荅又申論大體以堅。上意諸卿佐皆附名焉。前後凡八疏乞休癸未春求去益力特允所請。賜勅給驛廩輿夫皆從優典歸則取。勅中語扁其堂曰願保杜門却掃。縉紳益歸重焉。乙酉以疾終享年七十有四巡撫都御史陳洪謨以聞。上嗟悼贈太子少保謚文恪平生所著有文集六十二卷劄記三卷奏議四卷家規一卷所述有伊洛淵源錄新增先天後天圖學考証大極圖纂要分類程氏遺書二程年表西銘旁通皇極經世啓鑰象山語類洪範纂要禮樂書。皇明名

臣言行錄 皇明理學名臣錄選註風雅源流唐詩詠史絕句  
白沙定山詩星略筭學發明綴筭舉例醫學舉要名醫錄凡二  
十餘種

秦金字國聲直隸常州府無錫縣人弘治癸丑進士授戶部福  
建司主事委督太倉糧儲明年監臨清倉勘順天等府災歉監  
收長安四門倉及象房糧芻剔抉姦蠹撫綏悍葵職盡而舉大  
司徒太原周經簡視諸司章奏事有盤錯多所裁決尋陞河南  
司署員外郎再進山西司署郎中時邊書告警軍食不贖乃超  
本司郎中計處糧餉條陳時宜曲中緩急癸亥丁父憂正德改  
元服闋復除戶部四川司郎中時戚畹恣驕中璫擅權奏討引

鹽運袂以攘金持之不可大司徒洪洞韓文執奏至再其風稍  
寢革繇是銜者怨金嗾邏事者橫遮之竟無所得戊辰禮部以  
會試同考官請金以族人多人試辭不赴是歲陞河南按察司  
副使提督學校以身範士嚴立課程哲於品藻凡所甄拔率多  
嚮用庚午陞左叅政分守大梁道時劇賊劉六劉七等嘯聚亡  
命長驅河洛將薄封丘金先期設備繕城堡時煥糧會叅將宋  
振提兵南下馳檄邀之翼以民兵鼓戰遇賊於陳橋剷却村大  
奮擊之斬賊首若干級生擒其魁封丘晏然土人生爲立祠是  
歲陞山東右布政使癸酉轉左重念民遭賊刃極意撫循凡勢  
要請托翔價賣抄等蠹民數事卽日禁除甲戌陞都察院右副

都御史巡撫湖廣地方贊理軍務不攜妻子所至問疾苦誅姦貪威警惠流 奏上便宜八事繼上十事皆艱危切務巨盜盤詰四面蜂起乃擒賀璋廖琪於江討猺獯於郴桂靖叛苗於香爐峰其功最著己卯逆濠告變 大駕親征中官李鎮附麗彬賊橫肆誅求抗辭直奏請以一身當之民免於毒庚辰陞戶部右侍郎辛巳改吏部尋改戶部左侍郎時大司徒未至攝部事清理勲戚莊田禁革勢要鹽引創籍勾稽兩直隸十三省逋負國用漸充先是郴桂功成陞俸一級廕一子爲錦衣衛世襲百戶金疏辭免至 世宗嗣登大位錄舊勞 賜之白金綵幣仍進俸級如初癸未陞南京禮部尚書尋改南京兵部尚書詳南



京兵部

顏頤壽湖廣巴陵人弘治庚戌進士嘉靖二年任

沈冬魁直隸阜城人弘治庚戌進士嘉靖二年任六年致仕

顧清直隸華亭人弘治癸丑進士嘉靖七年由禮部侍郎乞休起南京禮部侍郎晉本部尚書致仕卒謚文僖

劉龍山西襄垣人弘治己未進士嘉靖七年任

嚴嵩江西分宜人弘治乙丑進士嘉靖十一年任詳內閣

湛若水廣東增城人弘治乙丑進士嘉靖十二年任

霍韜廣東南海人正德甲戌進士嘉靖十五年任詳內閣

熊浹江西南昌人正德甲戌進士嘉靖十八年任

張璧湖廣石首人正德辛未進士嘉靖十九年任

閔楷直隸任丘人弘治乙丑進士嘉靖二十四年任

王學夔江西安福人正德甲戌進士嘉靖二十四年任

萬鏗江西進賢人弘治乙丑進士嘉靖二十八年任

王崇慶直隸開州人正德戊辰進士嘉靖三十一年任三十四年改南京吏部尚書致仕詳見前

葛守禮山東德平人嘉靖己丑進士三十四年任

閔如霖浙江烏程人嘉靖壬辰進士三十五年任

孫陞字志高浙江餘姚人忠烈公第三子自幼穎特不凡髫髻卽嗜學日記數千言讀史至名賢傳輒以自期弱冠補邑庠弟

子擇友謀文必循矩度同輩莫不感服正德己卯忠烈公撫江  
右死寧庶人之變公隨二兄誓死復讐會庶人就擒乃扶柩東  
歸廬於墓茹素三年巡按韓公聞而賢之召試越王臺弔古文  
大驚謂可與唐王勃滕王閣序並稱名隱隱起嘉靖乙酉舉於  
鄉丁亥遊大學時伯兄堪官錦衣迎楊夫人就養公依焉傳經  
都下家窶甚乃自題曰勿謂古人爲不可及勿謂天下第一等  
事爲不能做帖之書厨其礪志類此乙未對 大廷進仁禮保  
邦之說 上親批說仁禮之意好賜一甲第二人授翰林編修  
公感 上知拔閉門檢身心研墳籍求所以經世務絕不與他  
曹事己亥春 冊立東宮詞林官例得補官察人爭競進公獨

不然居公後者以妨已讓之竟不爲動乙巳以校勘 列聖御  
文五經二十一史遷右春坊右中允與修 大明會典清理軍  
職貼黃丙午主南畿試事崇雅黜浮所取多名士一切宿弊芟  
革殆盡己酉晉國子監祭酒教先器識敦實行命諸生各舉所  
知拔其尤者揚於彝倫堂以風其餘又慮浮競難制懸格二十  
二條就行之不以親故關說輒改或遇貧喪出粟爲助諸士咸  
服辛亥陞禮部右侍郎值華亭徐公爲尚書協恭一心諸大典  
儀如請行 裕景府冠讀禮商決居多壬子 上卽舊邸建元  
祐宮命安神祭告公奉使謹飭所至減騶從有司或供治過具  
悉揮去過襄鄧間見民治河多菜色公哀而憐之作詩遺守臣

遂得廩不瘦死守臣爲鐫詩於石癸丑改吏部右丁內艱朝紳  
禮餽悉謝却或強請留一帛曰此其帛也公立請焚之以抵其  
意至浙值伯兄卒公歸二喪廬墓茹素如忠烈公時人見公毀  
瘠勸之肉食不從淚輒下以是得脾疾服除薦疏踵至徵拜禮  
部左侍郎旋改吏部公樂道人善察其可用卽白太宰不欲人  
知礪冰操視毫末非義若將浼已人素信之無敢以私入者丁  
巳進南京禮部尚書留都爲遠外巧宦者往往不樂推公冷然  
無管心至則懲俗奢靡敦朴素爲諸曹先疏陳較術業數事剴  
切可行 詔嘉納之又因曹務稍簡益留心治道凡邊塞險夷  
戶口登耗與夫刑名錢穀庶政一一研究顛末思注措之屹然

爲後進法程庚申六月二十日以疾卒壽六十訃聞 詔贈太  
子少保謚文恪 賜祭二壇遣行人治葬士大夫咸悲其不及  
大拜竟其設施云生平孝友天植事忠烈公與楊夫人始終盡  
志無畷容事兄如事忠烈公無巨細必稟命而行坐必侍側痛  
父殉節戒勿治家慶手絕不書寧字卽用必以他字易之終不  
爲人作壽父文至母棄世亦不爲人作壽母文平生無家念一  
介之微苟有未安曰趙清獻必不如是雖奇字名畫玩適之物  
泊然無欲教諸子不專文藝嘗曰養德養身養學三者須日體  
驗不可缺一故伯子太宰鑑仲子翰林鋌叔子春元鈞季子官  
保鑲幼子鑲俱奉庭訓不脫書生氣味睦宗族懇懇導之爲善

雖幼賤行坐必以齒叙既貴徒步里中非遠行不肩輿重交誼  
尤篤死者同年韓修撰卒撫其子白部使者立坊表誌華州王  
司成地震卒收其文序以傳士大夫咸服公古道其問學不自  
暴炫於典籍百家金石竹簡之傳并國家典故無不洞悉爲文  
宗兩漢詩宗杜氏慕而求之者非其人不授筆至事關綱常如  
餘姚謝生殉賊及雲樓王氏雙節皆爲立傳所著有易測窺天  
錄及詩文若干卷

李璣字邦在號西野江西南昌府豐城縣人辛卯領鄉薦乙未  
第南宮 廷試獻策數對萬餘言如藩祿未理工作太濫刑罰  
失平軍伍不充俱切時弊未復歸於正聖學開言路不少諱讀

卷者憚其峭直寘之進呈九人之後。世廟嘉其懇悃御批曰  
一 議賜二甲第一傳臚。命刻其試策示天下。尋改庶吉士。公感  
一 殊遇。思自淬礪。蒐羅羣籍。及考鏡昭代故實。并時務機要。一一  
一 揚確不遺。館閣諸公雅計其才堪大用。不屑屑以文章致身也。  
一 公在館念父劔東公不置。迎就養。旦夕視食。定省不少懈。適  
一 皇嗣覃恩。例得貤封其父母。庶吉士格於例。公率同館比例乞恩。  
一 准與試御史一體給封。朝士榮之。丁酉授翰林院編修。尋丁外  
一 艱。癸卯服闋。補原官。甲辰春奉命校錄歷代史籍。乙巳書成。  
一 陞俸一級。一 九廟告成。禮卿遴公充捧主官。世廟嘉公儀度  
一 整雅。賜金幣。丁未陞左中允。署國子監司業。事戊申復奉命。



纂修會典會丁母憂匍匐歸治喪如禮癸丑起復以會典成陞  
左春坊左諭德甲寅陞國子監祭酒以大學首善之地教化所  
繇乃嚴規條端矩矱每進諸士於館下惓惓示以檢身心明理  
道尤抑上書獻頌之風初監苦請托士習日壞公熟事體秉公  
持正錄序單昭揭於堂有阻撓者衆指摘之不輒貸於是請託  
屏息待諸士以恩義不操一切有遠方寒窘衰憊不能自存者  
量卹之士翕然歸嚮尋轉南京禮部右侍郎適倭薄都城公以  
兵部咨監督正陽門城守會所監將卒指授防禦方略咸勝筭  
老將遜伏謂非文臣所能及在部守成法於監生歷事吏役滿  
考毅然以公特之人不得私干乙卯轉吏部右侍郎兼翰林院

學士掌詹事府事已未奉 旨主考會試入院乃肅簾內外諸  
執事焚香天胥戒胥飭而後卽事病士競剽竊多套語令同  
校者閱語涉雷同及諸不經訓者黜之必見理明切博古通今  
者始錄故所取多名士庚申陞南京禮部尚書時多右北左南  
有諷令少需者公曰君命也敢擇官乎至南倡諸卿儉素以易  
靡俗人服之時從弟遂爲大司馬叅贊留務一門二卿縉紳仰  
之未幾以時事沮格疏乞休不報癸亥春復疏乞身得 旨致  
仕歸杜門屏跡扁其堂曰來復蓋取易之不遠復休復頻復獨  
復敦復迷復製爲六箴揭之左右以自警云

國朝列卿紀卷之四十二終

國朝列卿紀卷之四十三

國初禮部左右侍郎年表

世家寶

河南臨潁人故元學士洪武元年任歷刑部尚書

傅 璫

洪武二年任禮部侍郎人故元入仕

黃 肅

武三年任歷工部尚書人故元主事洪

張銘善

年任歷吏部尚書人洪武三

秦文釋

三年任

秦 約

直隸崇明人舉文學洪武四年任

楊冀安

直隸靈璧人四年任

曾 魯

江西新淦人徵辟洪武五年任

楊定

洪武五年任人

楊思濟

河南歸德人由薦舉六年任右九年免

王中立

山西平定州人儒士洪武六年任左

朱夢炎

詳本部尚書洪武七年任左

李冕

詳禮部尚書洪武十一年任右

魏鑑

由薦舉洪武十二年任右

劉崧

江西泰和人故元鄉舉洪武十三年任右尋樞部事

李叔正

詳本部尚書洪武十三年任左

劉嘉議

武十四年任人洪

張子源

田薦舉洪武十五年任右本年免

朱同

直隸休寧人

洪武中舉明經十五年任右

備可求

直隸宜興人洪武中舉明經十六年任

汪志

直隸藁城人洪武初舉人才十七年任左

章祥

武十八年任左

陳思道

浙江山陰人進士洪武二十一年任左

張衡

江西萬安人進士洪武二十二年任左

王起東

浙江上虞人文學洪武二十三年任右

凌漢

河南原武人秀才洪武二十四年任右

張智

福建順昌人故元州同洪武二十四年任右

姚子宗

由薦舉洪武二十六年任左

張 昺

山西澤州人。人才。洪武二十八年任左死靖難。

齊 麟

山西五臺人。進士。洪武二十八年任右。

許 觀

直隸貴池人。狀元。洪武二十九年任右。歷侍中。死靖難。

陳性善

浙江山陰人。進士。革除元年任左。死靖難。

吳景玄

浙江括蒼人。革除元年任左。

蔣 原

人。革除元年任右。

董 倫

順天宛平人。薦舉。革除二年任左。兼學士。

黃 魁

革除二年任右。四年死。靖難。

宋 禮

河南永寧人。貢士。革除四年任右。轉左。歷工部尚書。

戚存心

浙江廣巖人。進士。永樂元年任右。

楊

砥

山西澤州人進士  
永樂二年任左

趙

紅

見本朝尚書永  
樂二年任右

劉

吳南

人永  
樂二年任右

王

彰

河南鄭州人鄉舉永樂五年  
任右歷都察院右都御史

儀

智

山東高密人儒士  
永樂六年任左

蔚

綬

詳本部尚書永  
樂六年任右

古

朴

河南陳州人鄉貢永樂七年以戶  
部左署印信歷南京戶部尚書

金

純

詳本部尚書永  
樂十四年任左

易

英

湖廣澧州人薦舉  
永樂十六年任左

胡

澗

直隸武進人進士  
永樂十四年任

國初禮部侍郎行實

世家寶字

河南開封府臨潁縣人係蒙古人姿貌魁整

言論性剛果有謀畧讀書知兵故元集賢院學士守登萊附王師洪武元年授大理寺右少卿尋拜禮部侍郎陞刑部尚書本年十一月坐事降廬陵縣知縣召還授兵馬副指揮使改兩浙運同十五年陞臨安府知府賜致仕二十七年卒於家詳刑部傳獻字

人初名斌元末入仕留侍左右吳元

年陞中書省叅知政事本年詔定律令命爲議律官論獻曰汚染之民以善道之則可以復生求生於重典是索魚於釜也及律令成付按察司巡歷州縣使內外知所遵守洪武元年正月



命兼詹事府丞二月同左丞相李善長學士陶安進郊社宗

廟議八月京師火帝謂中書省臣曰近京師四方水旱相仍

朕夙夜不遑寧處豈刑罰失中武事未息徭役屢興賦歛不時

以致陰陽乖戾而然邪卿等同國休戚宜輔朕修省以消天譴

卿等對曰古人有言天心仁愛人君則必出災異以譴告之使

知變自省人君遇災而能警懼則天變可弭今陛下修德省

愆憂形於色居高聽卑天實監之願臣等待罪宰府有乖調燮

貽聖衷憂咎在臣等帝曰君臣一體苟知謹懼天心方回

卿等其盡心力以匡朕之不逮二年改禮部侍郎三年以年老

致仕

黃肅字

人故元禮部主事洪武元年王師克

元都召任原職三年命署禮部侍郎事五年陞工部尚書詳工部

張銘善字

人洪武三年拜禮部侍郎本年試

吏部尚書詳吏部

秦約字文仲直隸蘇州府崇明縣人少嗜學長益刻厲於書無不讀爲詩文負豪氣洪武四年有司舉文學召試慎獨箴居首上特擢禮部侍郎本年以母老告後徵儒士所著有樵海集師友話言樵史補遺詩話舊聞崇明志講論治道有司以其名聞賜帛鎗入覲陳三事皆有裨益仍告歸鄉里後卒於家

曾魯字得之孔門弟子郈公五十七代孫其先居江西遂爲臨江府新淦縣人年七歲能暗誦九經一字弗遺奉禮部簡君正理欲以神童舉於朝其父止之及齒稍長取三史日記之尋及其餘數千年間國體治亂人材忠佞制度沿革咸能言之有叩之者如山川出雲層見疊敷杳莫察其端倪殊不以爲足所藏子集動至數百家各攬其精而掇其華聞有僻書隱牒不憚道里之遠必購得之旣得必篝燈讀之達旦不寐發爲詞章靡蔚炳朗毅然有不可奪之氣廬陵劉提舉岳申與之語連日夜不休嘆曰不意後生中能至於斯也其將以文鳴乎杜內翰鄉之丈人行也乃負笈從之浙益克拓其所未至寤疑辨惑惟日不

足遂以博極羣書稱於時猶謂未要於至道述長書一通謁虞  
文靖公集於臨川虞公大悅曰昔程子與張敬夫年十六七慨  
然有志聖賢之道子能如是復何讓古人時年蓋十九矣由是  
益潛心濂洛關閩之學分別義理密如蠶絲牛毛而尤愛吳文  
正公澄之書無大無小一一訪獲之玩繹未嘗釋手久之充然  
有得盤桓林泉以道自娛若將終身焉至正壬辰天下大亂州  
縣所在繹騷召里中諸豪集健兒持兵以保障乎一方仍椎牛  
醢酒開陳逆順禍福言甚剴切衆皆聳耳而聽卒無敢犯非義  
者人號曰君子鄉人 國朝洪武二年詔纂修元史勒成一代  
之典遣使者起於家魯賚決部居補苴罅漏者不一而足其功

爲最多史成 太祖坐端門召諸史臣有白金束帛之賜將乞  
身還山會朝廷開局編類禮書輿論以老成之士無踰於魯者  
共堅留之議禮之家有如聚訟自古難定於一魯當羣言沸騰  
之中揚言曰某禮宜據某書則是從某說則非有不服者爭相  
辨詰乃歷舉傳記荅之各心醉而去俄遷入儀曹爲祠部主事  
階承事郎常忠武王薨高麗王遣使來祭魯索其文觀之使者  
靳不與魯不可使者不得已出之外則襲以金龍黃帕內則不  
書洪武之號魯責之曰龍帕固疑誤用若納貢稱藩而不奉正  
朔君臣之義果安在邪使者頓首謝過皆命易去乃已安南來  
貢王容曹已受其表將入見魯取其副覽之其王乃陳叔明魯

曰前王陳日燧爾今驟更名必有以也亟白尚書詰之使者不  
敢諱蓋日燧爲叔明所逼而死遂篡其位中心懷愆故託修貢  
以覘朝廷之意上叱之曰島夷何狡獪如此却其貢不受  
五年二月上問丞相曰曾魯在禮部今何職邪對曰不過主  
事爾卽日超六階拜中順大夫禮部侍郎魯以順字犯父諱辭  
就朝請下階吏部以國法有定不許倭夷入寇戍將每捕獲之  
上憫其無知命儒臣草詔歸其俘魯所譏有中國一視同仁之語  
上悅曰頃觀陶凱文已起人意今魯復如此文運庶其昌乎凱禮  
部尚書也八月奉旨考京畿鄉試入院之後忽吐血一升猶力  
疾閱卷不息自是遂奄奄不振九月膏露降鍾山羣臣咸見諸

咏歌乃獨譔賦以進十月 上將郊祀出宿齋官命取諸作使

侍臣更番誦之至魯獨曰此曾魯作邪援據既精鋪叙有法豈

新進之可驟至哉十又一月疾愈篤上章乞骸骨中書以聞

上惻然許之十又二月辛卯歸舟至南昌謂次子圭曰吾命止明

日不能至家矣然吾以一介韋布之士受國寵恩位躋法從又

得守正而斃死復何憾所憾者不見二孫之成立也卽趣觚翰

爲書戒之壬辰次石政潭果斂衽而逝魯蓄德熙和人近之者

溫如春風不見忿戾之色然其人則山澤之癯身退然若不勝

衣未嘗有所矯飾其處家也事親克孝父喪哀毀致疾踰年而

後能起已而三兄諸姪相繼捐館淚經紀凶事三年間葬十

餘喪且撫存其孤憚惟恐或失其所生平輕財仗義喜周人之急四方賓客日登其門倒屣迎之了無倦容嘗一試江西鄉闈有司寘諸乙榜人爲不平而魯亦澹如其出仕精白一方有知無不爲凡典禮涉於制度者必經其損益而後定雖古者吏牘之繁簡署字之上下人所不能知獨稽諸書以爲決屬文不喜留藁其徒雖有所輯錄猶未成書其自著書有六一居士集正訛南豐類藁辨誤藏於家他咸未脫藁當修元史時宋濂實爲總裁相知最深共坐官舍更折互辨每至夜分嘆末學之空虛傷古道之寥落又復相視驟然一笑嚴陵徐尊生嘗有言曰南京有博學之士二人一以舌爲筆一以筆爲舌其意蓋指魯與



濂也讀書之室曰守約齋學者遂稱爲守約先生年五十四歲

楊定字

人洪武五年拜禮部侍郎六年免

王中立字

山西太原府平定州人洪武四年以通經儒士

薦除禮部員外郎六年陞禮部侍郎七年致仕

朱夢炎字

詳本部尚書洪武七年任本部侍郎

李冕字

詳本部尚書洪武十一年任本部侍郎十二年陞

尚書

魏鑑字

人洪武十年除滁州知州十二年

陞禮部侍郎十三年免

劉崧字子高江西吉安府泰和人舊名楚元季鄉舉國初改名

崧賦性仁孝純厚穎悟絕人年五歲誦書日記數千言七歲能賦詩嘗侍世父夜寢聞雞聲因命爲題卽應口成一絕未句喚醒人間蝴蝶夢起看天上火龍飛世父驚嘆是子他日必大用家貧無火執筆作文手爲皸裂而力學不廢年十六授徒他邑十九游南昌時善賦者稱十才子見崧製作推讓爲先列行省嘗以薦授龍溪山長崧曰吾無勞於國而有恩命吾不爲也至正丙申應鄉試報捷者至崧適自田中摘粟歸悵然泣下曰始二親篤於訓子奈何今日不及見時天下大亂州城陷家蕩覆避地累歲無以爲生會 皇明開基四方以次平定洪武三年以經明行修薦召見授兵部職方郎中小心謹長歷署駕部總

部事奉命鎮江徵糧鎮江多公侯田土往往掣肘崧歸奏之得旨令輸納與民不異未幾命往廣東買馬得五百八十四匹又明年往山東點視驛迺萊州相親遭風海船時天寒冰凍衝冒風雪跋涉水陸凡四閱月以訖事聞在兵部幾三載嘗祭方丘崧與吳琳宋濂輩侍從應制賦詩甚見褒六年陞北平按察司副使北平當元故都新造之初崧持憲綢繆以臨之考覈屬官以廉慎爲先讞獄必求其生而不得乃付之法受罰者亦自以爲當罪而不怨作興學校刻石立禮部學規榜示府縣勿以差役溷諸生而廢學考問風俗立宋忠臣文天祥祠以宛平縣事繁馬少遂損僻路分添設及設法關防賣鹽退引禁治影射私

鹽爲政裁畫有方率多類此十年考績入朝會吏定外官九年  
爲任 上勅諭還任未幾坐事輸作京師尋放歸鄉十三年春  
革中書省徵拜禮部侍郎賜之誥有學通古今之褒旣拜命日  
稽古典惟直惟清 上嘉之以其文學雅正勅撰滕國公顧時  
海國公吳禎神道碑及撰申國公鄧鎮襲封誥詞宋學士景濂  
嘗觀其文歎曰此司馬遷之文求之今世蓋未有過之者而於  
詩則尤所推讓夏四月命攝吏部尚書時侍郎陸讓以察爲明  
崧一處以寬銓次不苟藻鑑不失五月甲午雷震奉天殿 上  
謂崧等曰朕自卽位以來十有三載夙夜兢兢不敢怠荒惟恐  
治不古若問者上天有警朕心不安此必朕有失德事政有乖

卿等宜悉陳朕得失母有所隱松等頓首曰人君一身上通乎  
天災咎之至惟修德行仁可以弭之今陛下遇災能懼省躬  
思過復開導臣等盡言臣聞惟德動天無遠弗届能修人事此  
所以消天災也 上曰唐虞之時君臣更相戒勅卿等輔朕當  
以古人爲法盡心無怠尋以老乞休許之 賜以勅諭曰君子  
之生也莫不由父母之賢師友之訓以成其才及其壯也則推  
而行之以致君垂拱利澤羣生斯仲尼之道君子之志也卿學  
問該博踐履篤實負成已成物之器備朝繁治劇之才正宜佐  
朕以理天下奈何年齒衰耄難於步趨故不忍復煩以政特賜  
致仕卿其去朝歸於鄉里宜慎所養以樂餘年詳國初吏部尚

書

李叔正詳本部尚書洪十三年任本部侍郎

劉嘉議由薦舉洪武十四年任禮部左侍郎十七年免

張子源字

人洪武十五年任

朱同字

直隸徽州府休寧縣人翰林學士升之子博學篤

行見重鄉里洪武中舉明經授徽州府教授善迪後學十二年  
舉才行陞吏部司封員外郎十五年陞試禮部侍郎 上嘉其

稱旨特賜襲衣十六年坐事廢

儲可求字

直隸常州府宜興縣人洪武中舉明經授松江

府學訓導十六年陞禮部右侍郎二十年免

王志字好德直隸藁城人洪武初舉人才十七年任禮部左侍郎  
郎本年改兵部詳國初兵部

章祥字

人洪武十八年陞試禮部侍郎六月

具奏監生病故者多乞令應天府給與棺木遞送還鄉從之  
十一年致仕


陳思道字執中浙江紹興府山陰縣人父谷深居鑑湖濱且耕  
且讀教授鄉之子弟生四子思道最幼負奇氣穎悟出倫日記  
數千言見者每以公輔奇之及對人言曰吾必爲吾父償書債  
洪武三年開科取士遂領鄉薦登乙丑進士授刑部主事執法  
不回二十年朝廷知其賢驟銓兵部右侍郎益勵風節雖至

戚信友不敢干以私由是名譽日彰 寵遇日盛二十一年轉禮部左侍郎二十二年三疏乞歸養家居不植生業儼然居官之日郡邑長令非有劇政造廬請議不得一見與鄉人則恂恂且善屬詩文時推正直有行義必以爲稱首云

張衡字子平江西吉安府萬安縣人洪武乙丑進士授禮科給事中疏奏剴切二十年擢禮部右侍郎有才幹二十二年轉左侍郎奏定洪武禮制定式會歲行郊祀選百官行最者十三人登壇分獻衡與焉 太祖屢嘉其清慎以其事載大誥每 宣召輒呼爲瘦張而不名二十三年九月論衡同左都御史詹徽等曰有司供宴擾民今後支與官鈔布政司一千貫以下令詳



議以聞十月衡等奏行遵守凡遇正旦 聖節冬至分宴錢於  
本處官錢內支給無府州縣都司衛所移附近有司關用每節  
布政司一千貫在城都司衛所附郭大小衙門官吏師生耆民  
俱赴本司筵宴府有都司七百貫以下各有差州有衛五百貫  
縣有衛四百貫以下有差無有司衛四百貫所一百五十貫後  
又議有司官朝覲每員給盤費鈔一百貫在任歲支柴炭鈔五  
十貫又定引錢爲堂食費未幾以言事忤旨卒於官

王起東字  浙江紹興府上虞縣人洪武二十三年以文學  
獻大明頌 上嘉納之命試禮部右侍郎二十四年免

凌漢字斗南河南開封府原武人洪武十七年以舉秀才擢司

經局正字未幾出知會稽以事逮繫浙江按察司獄。上知漢無罪獄爲按察使陶晟所淹命械晟還釋漢與俱來旣至拜監察御史巡按陝西奏陝西民病數事二十一年又以不受私遺陞右副都御史尋陞右都御史時詹徽爲左都御史論議數不合每面折徽徽啣之奏遣按事蘇松還朝以失職爲監察御史桂滿所劾左遷刑部侍郎二十四年命署吏部數月改禮部右侍郎又數月上以漢年老令歸鄉里漢叩頭曰臣願生居京都死葬京土 上許之命居於私第詳都察院右都

張智字玄畧福建延平府順昌縣人自幼有大志聰明穎悟讀書過目成誦羣兒爲嬉戲之事必正色端謹如老成人侍父昇

元學於南昌稍長卽能勵志於問學嘗慨然嘆曰采玉必於崑山探珠必於滄海士之爲學豈不出戶庭管窺蠡測所能至哉卽日挾策入元都交當時之名士用薦補入國學元之季四方兵興以才出叅閩省機務省臣承制授同知新喻州事已而知事不可爲浩然退歸 國朝初定天下乃卽建陽之崇化里麗掃一室置古今書籍其中窮搜博覽沛然有得於心鄉黨爭企慕之洪武十一年戊午以明經薦上吏部授夷陵州學正凡九載以內艱歸二十四年服除入覲尚書趙勉薦於朝 太祖高皇帝方任賢圖治亦知其才可用遂超拜禮部 左侍郎卽首言宜以書籍頒布北方學校議者以費財不便乃正色曰使

賢才彙征利益生民何惜此費衆大慚未幾實授右侍郎能乘  
禮不遷綱紀秩然人皆敬服是時諸儒多有不稱任使者至嬰  
顯修 上勅智等曰古之儒者務學以明體適用窮則忠信篤  
敬以淑諸人達則忠君愛國而澤被天下朕自御宇以來擢用  
儒士布列百司思得其人以稱其任而卒少見其效何也良由  
師道不立故成材罕聞爾禮部宜以朕言論天下俾凡爲儒者  
一必恪遵古先聖賢之道以修己教人毋徒尚文藝云智請首行  
於大學從之智尋奏言歲貢生員舊制中式者送國子監不中  
者罪有司停學官俸生員罰爲吏今不中者遣還讀書有司教  
官罰如故是生員不率教者無所勸懲也 上廼命更定其制

不中者有司官任及三年論如例二年者停俸半年一年者停俸三月學官無分久近罰如例生員廩食五年者爲吏不及者遣還讀書次年復不中者雖未五年亦罰爲吏壬申三月丙子懿文太子薨命禮部議喪禮智上議曰喪禮父爲長子服齊衰期年又云期之喪達乎大夫今斟酌其宜 皇帝當以日易月服齊衰十二日祭畢釋之在內文武百官卽日於公署齋宿素服入臨文華殿給衰麻越三日成服詣春和門會哭明日素服行奉慰禮其當祭祀及送葬者仍衰經以行在京停大小祀事及一樂至服闋日而止停嫁娶六十日在外文武百官聞喪易服於公署舉哀次日成服行禮停大小祀事及樂十三日停嫁娶二

十日其内外文武百官行祭禮者自備儀物。上曰朝廷府庫百官僚祿皆出於民。今祭祀儀物令光祿寺供具。百官惟致哀行禮。餘如智議。尋以時享在邇。令智與翰林院參考古制。智等奏曰。王制三年不祭。惟祭天地社稷。不敢以卑廢尊也。今定議天地社稷先師。歷代帝王須用樂外。惟太廟乃祖先神靈所在。既有喪而時享仍用樂。恐神不樂聽。宜備而不作。詔從之。其所建白多此類。會高麗國恭愍王薨。無嗣。國人共推成桂主國事。上曰高麗限山隔海。非我中國所治。且其間事有隱曲。豈可遽信。命智移文聽其自爲聲教。二十六年以事左遷。國子學錄尋陞博士。建文中陞司業。能誘掖獎勸。無不底於造就。其

教人一本於道德仁義之說孜孜焉開導後進老而弗衰一時學者莫不師宗之永樂初成祖幸學衆推講周易特蒙寵異賜予甚厚四年卒於官年七十有二士大夫莫不悼惜之

舊傳云洪武三年二月命製四方平定巾式頒行天下以士民所服四帶巾未盡善後制此令士人吏民服之皂隸餘人如初所定以異其式二十四年五月又諭禮部右侍郎張智等恁禮部將士民戴的頭巾樣製再申明整理智奏先爲軟巾制度已嘗欽定而小民往往造破爛不堪紗羅用縹粘裹竹絲漆布混同造賣有乖禮制請申禁違者論如法

野記云高皇聖學超傑以尚書谷幾和惟天陰臨下民二句

蔡沈註誤嘗問羣臣七政左旋然乎答祿與權仍以朱熹新說呈上曰朕自起兵迄今未嘗少置步覽焉可循儒生腐談因命禮部試右侍郎張智與學士劉三吾等改正爲書傳會選刊示天下學子曰凡前元科舉尚書專以蔡傳爲主考其天文一節已自差繆謂日月隨天而左旋今仰觀乾象甚爲不然夫日月五星之麗天也除太陽人目不能覩其行於列宿之間其太陰與五星昭然右旋何以見之當天清氣爽之時指一宿爲王使太陰居列宿之西一丈許盡一夜則太陰過而東矣蓋列宿附天舍次而不動者太陰過東則其右旋明矣夫左旋者附天體也必如五星右旋爲順行左旋爲逆行其順行之日常多逆



行之日常少若如蔡氏之說則逆行多而順行少豈理也哉若不革正有誤方來今後學尚書者天文一節當依朱氏詩傳日月之交註文爲是又如湯誥內惟天陰隲下民相協厥居一節蔡氏俱以天言不知陰隲下民乃天之事相協厥居乃人君之事天之陰隲下民者何風雨霜露均調四時五穀結實立烝民之命此天之陰隲也君之相協居者何敷五教以明五倫明刑以弼教保護和治使強不得凌弱衆不得暴寡而各安其居也如或蔡氏之說則相協居事皆付之於天而君臣但安安自若奉天勤民之政畧不相與又豈天佑下民作之君師之意哉今後當依此說

姚子宗字

人洪武二十六年試禮部左侍

郎二十八年致仕

張昺字

山西澤州人洪武中舉人才授禮部主事二十六

年命試禮部右侍郎二十八年陞禮部左侍郎革除元年會諸藩不靖廷臣建議凡藩國所在悉更置守臣必素負重望者居之乃以昺爲北平左布政使至則伺燕府之事怵誘其官屬知成祖必起兵遂與都指揮謝貴以在城七衛屯兵列九門防守飛章奏聞有掾吏李友直謫人也昺以腹心寄之友直乃竊其章密獻王府會朝廷遣內官逮護官寮至府成廟逼使召昺及貴入至端禮門爲燕山右護衛副千戶譚淵所執昺及貴皆

不屈而死己卯七月六日也曷得屍還葬 成廟登極族其家

後 上屢夢曷等披髮爲厲命焚其屍曷面猶如生者有一子

逃死去不知所終或曰養子也正德庚辰知州馬汝驥祠祀之

齊麟字

山西太原府五臺縣人洪武乙丑進士以文學異

等擢翰林院編修二十八年陞禮部右侍郎二十九年以事免

黃觀字淵伯一字尚質直隸池州府貴池縣人父贅在城許氏

生觀遂從其姓少以書補邑庠生嘗築翠微書舍讀書其間受

業於元翰林侍制黃暉死國難觀益慷慨砥礪以忠義自許洪

武甲子應貢入太學卽發解京府尋罹外難戊辰十月起復仍

入監造詣益深嘗繪父母像爲圖携以自隨閱之淚下明年會

試第一廷對禦戎策大要以天道福善禍淫之機人事練兵講武之法爲言 高廟嘉之擢狀元及第時年二十八除翰林修撰日侍御前敷奏明爽 上甚眷重每賜顧問命編寫省貪錄 及以其有政事才凡法司諸榜文令撰成卽書之又令清理軍職貼黃兼管註銷諸司按牘二十九年陞尚寶司卿未幾擢禮部右侍郎建文元年改官制增設左右侍中負次尚書遷爲禮部侍中仍兼尚寶司卿始奏復黃姓與方孝儒等日見親用靖難師起 成廟自軍中來請誅齊恭黃子澄二人以息兵觀奉命當制諷其散軍歸藩或束身謝 孝陵辭涉詆斥時北兵已至平原明年渡淮觀往上游諸郡徵兵入援奮不顧身且行且

募兵至安慶 成廟已過江矣下令諭京城軍民暴左班文職  
奸臣罪狀觀名第六而羣民推戴 成廟卽位索寶不知所在  
或言黃觀取寶已赴上游起兵矣卽命有司追捕沒人家貲收  
其妻翁氏并二女給配象奴初觀駐安慶聞變慟哭謂友曰吾  
妻素有志節必不受辱越明日其家僮自京逃來言狀是日翁  
氏果被象奴叱出金銀釵釧之屬市酒餼以供合歡之費伴順  
諾悉解與持去奴旣出戶卽乘間率二女及家屬十人俱赴淮  
清橋下死觀遂招魂葬之江上次李陽河聞報者曰上已出奔  
過池之建德而羣臣奉 新皇帝卽位今三日矣觀自分大事  
已去力不能支乃朝服東向再拜於羅釵磯湍急處給舟人奮

棹伴爲洩解投水而死舟人急以勾挽之僅得珠絲棕帽後追捕者得之以獻命購其屍不獲疑有匿之者遂族觀家且逮其姻黨者百餘人詔繫獄 仁廟初悉放還其發戍邊徼者又數十人景泰中進士邑人徐仁使遼有老卒朱黻給事公館亦以觀累戍邊者黻故爲諸生嘗從觀遊仁問舊事且泣且言甚悉翁氏池口人沒時有收其屍并二女具棺斂以待 朝命不報 天順中池人至南京柳林破棺猶有存者詢之父老咸曰此黃狀元妻女云郡人柯暹曾作觀傳匿不示人近清江龔守愚知貴池始於學宮西偏卽其故址立祠祀之今有闡幽集刻其試文華除錄云初郡縣爲公建狀元坊隨以踣獨存其扁於故家

後議復建歲有持以獻者人咸驚異云

教授黎擴與柯暹書云嘗觀人之爲學平居無事坐言其志曰我欲爲忠臣爲孝子及臨利害遇事變則所行非所知所守非所學君子則不然必欲得於已而後行於人行於近而後行於遠孟子曰身不行道不行於妻子詩曰刑于寡妻正謂是歟前禮部侍中池郡許觀早讀聖賢書學聖賢道擢魁天下位亞宗伯其所以得於已行於人者有素一旦我太宗文皇帝舉仁義之師肅清內難後受億兆推戴以正大統在廷之臣莫不攀龍附鳳而觀獨念其平昔之遇略不計其後來之榮寧赴江流葬魚腹非所學有得而舍生取義者豈能然哉妻及二女念

事至此亦投秦淮而沒非身能行道而行於妻子者又能然哉  
第恐史官諱忌不書使其一門忠節將日泯焉無聞惟閣下生  
觀之郡覩觀之儀詳觀之事宜作傳一通以補郡志闕略則往  
者不泯來者受教而彰善之義不靡有極哉昔張巡之死韓愈  
得于蒿之言於張籍而其傳始備段秀實之死柳宗元召邊上  
故老卒更而後得其詳以告史官韓愈今觀之死與張段同一  
善道而閣下同其鄉都其義詳其事核比愈之得於他人者實  
相倍蓰後有史遷其人者包羅古今成一家言欲紀觀之事徵  
諸是傳豈不賢于徵荆軻韓信於夏無且漢陰人者耶

陳性善名復初以字行浙江紹興府山陰人洪武中以春秋魁



鄉試丁丑會試列名上第臚唱時 上見其疑重屬目久之謂

侍臣曰向唱名陳性善者君子人也授行人司副已而改翰林

檢討初誠意伯劉基卒 上遣御史李鐸往取其遺書基子璉

卽出觀像玩占於石室中鐸詣 闕上之 上簡精楷書者數

人入便殿繕錄性善預焉 上天威嚴重進見者皆惶汗甚或

掣肘不成一字惟性善動止安雅既竣書法端妍 上嘉悅命

賜以酒是時威譴叵測性善尤留竟日家人以爲必死旣出莫

不大驚久之超拜禮部左侍郎屬達流人薛正言輩前雲南右

布政使韓宜可方隸謫籍亦以性善言起爲副都御史自建文

君在東宮時已熟性善名及卽位一日退朝獨留性善賜之坐

問以治天下之要且使書於紙以是性善感知遇盡所欲言

朝廷悉從之然施行未竟輒爲權奸所攻性善朝見曰陛下不以

臣愚猥承顧問臣旣僭塵上聽許臣必行今而詔書云然所謂  
爲法自戾陛下無以信天下矣未幾 成廟入靖內難 上命

性善監李景隆軍大戰白溝河敗績性善與大理寺丞彭與明

欽天監副劉伯元指揮王賚等皆被執以去 文廟悉縱遣之

性善朝服躍馬入於河以死內難平 詔加追戮徙其家屬於

邊後悉赦還邑人吳璵爲傳其事或云 成祖文皇帝靖難之

師至京城衆方謀出迎 駕公獨策馬赴水而死人咸義之後

之人稱之曰冀北飛龍勢壓貔貅之衆江心躍馬身居魚鱉之

鄉凜然大節無虧赫矣芳名尚在與周是脩自經於 文廟者  
爲一律云

吳景玄字

浙江處州府括蒼人洪武末以人才舉革除元

年擢禮部左侍郎本年免

蔣原字

人革除二年任禮部右侍郎

董倫字安常山東東昌府恩縣人世居順天府宛平縣在山林  
有憂世之志所學浩博沈潛學者從之稱貝川先生玩辟不出  
洪武十五年侍臣張寧薦其學行召對稱 旨授春坊右贊善  
大夫賜以冠帶侍懿文太子陳說剴切 太祖嘉之十七年十

一月 上御東閣從容謂侍臣曰責難之辭人所難受明君受

之爲無難諂諛之語人所易從昏主從之爲易入朕觀唐虞君  
臣賡歌責難之際氣象雍容後世之諂諛相歡如陳後主江總  
輩汗穢簡冊貽譏千古此誠可爲戒倫對曰誠如陛下所論  
惟明主則能慎擇之上曰責難不入於昏君而諂諛難動  
於明主人臣以道事君惟在守之以正若患得失則無所不至  
矣十八年正月陞左春坊大學士賜文綺六疋鈔五十錠倫薦  
諸葛伯衡代已上徵用之二十五年東宮宴駕出爲河南左  
叅議三十年以詿誤坐事謫雲南教官皇太孫憐之賜白金  
爲道里費倫涉淮汴驅馳梁雍以達於蜀蜀王聞而重之賦詩  
八章以贈其行時雲南初開學倫以身教用變夷習遠人嚮慕

建文元年召入爲禮部左侍郎兼翰林院學士階嘉議大夫與

方孝孺偕入史館侍 經筵是年十月十三日 御書怡老堂

三大字及髦几玉鳩杖各一倫上表畧云臣素無閥閱功勞兼  
乏智能才藝徒知篤信於古道自分無用於明時幸蒙 高皇

帝之知忝拜左春坊之命任臣以兩宮輔導之職稱臣爲三葉

帝王之師茲者踐祚之初乃復馳書以召蒼顏白髮萬里來歸

金馬玉堂十年如昨自今持杖飛壺則思兆民或阻於饑饉几

安身自念一物或失其所乃方孝孺代撰也先是解縉代夏長

文章奏劾都御史袁泰謫河州至是倫薦之召還爲待詔其汲

引士類如此庚辰年命主考會試得楊榮楊溥金幼孜胡靖胡

澆俱爲名臣倫爲人篤實端厚志存仁恕建文中禮遇甚厚屢懇旨當務睦親不報壬午年成祖入正大統至是年八十餘上命致仕出京數月卒

宋禮字大本河南開封府永寧縣人幼穎悟知讀書稍長益有志於學期將以自見由是鄉校以明經充貢禮部補大學生以才能選者皆待以不次歲庚午遂擢山西僉事持法嚴峻鋤奸剔蠹無少貸郡縣百司素貪戾爲拾剋者皆側足屏息相戒莫敢犯禮於善惡之類苗薺髮櫛無所私三晉之間率皆想望其風采以有所庇依癸酉以考滿上天官改除戶部山西司主事遂日治簿書會計之務惟允愈益有聲己卯復除爲陝西按察

僉事其施於政者皆如在山西時而闕右所仰望倚賴之者亦若三晉之民焉未幾復入爲刑部員外郎值成祖卽位之初命署禮部事是時詔勅號令封拜朝覲會同宴饗賞賚之事皆出禮官禮酬對捷給咸克稱旨由是擢禮部右侍郎踰月轉左永樂二年陞工部尚書見國初工部

戚存心字



浙江台州府黃岩縣人洪武甲戌進士授行人

司行人有才幹遇事風生革除中陞陝西右叅政壬午成祖入正大統召陞禮部右侍郎五年以事伏誅

楊砥字大用山西潭州人自幼秀穎與羣兒處必習禮讓進退容止若成人洪武甲戌登進士第擢授行人司副嘗上疏言孔

廟從祀宜退楊雄進董仲舒有功名教上納其言踰三載陞湖  
廣布政司左叅議舉賢能恤鰥寡去貪暴吏民懷服歲庚辰上  
書請敦親恩罷兵息民忤旨謫居遼陽及成祖龍飛特授鴻  
臚寺卿時父已喪乞終制永樂二年起復爲禮部左侍郎四年  
以巡視河道坐失職降工部營繕司主事詳太僕寺卿

趙玃見本部尚書永樂二年任本部右侍郎

劉冀南字

人革除中任臨江府知府以才幹

稱永樂元年召陞北京刑部右侍郎二年改禮部右侍郎五年  
免

王彰字文明河南開封府鄭州人幼穎悟好學稍長有司選爲



州學生益自刻苦學日進洪武丁卯領河南鄉薦明年會試禮部弗利補大學生嘗使山東平糴以實軍儲同列納賄縱逋負者彰毅然責之弗聽比還其人果得罪彰遂以廉幹聞明年擢吏科給事典封駁之任夙夜在公出納惟允歷左右給事中益慎益虔聲譽尤著遂進都給事中未幾改刑部福建司員外郎時有豪橫往往構訟根株連結至數載不能斷決有司率爲所誣害彰曰法貴平恕然亦豈宜寬縱以長惡哉於是正之以法而爲所誣者皆得釋人咸悅服旣而超拜山西布政司左叅政居藩七年吏弗忍欺民懷其惠永樂五年召拜禮部右侍郎階嘉議大夫時四方萬國奉玉帛重譯以朝觀實貢者肩背相

望於京師賞賚燕享無虛日與尚書鄭公賜同德協恭奉職惟  
謹明年以父喪去哀毀踰節鄉黨稱焉詳都察院

儀智字

山東萊州府高密縣人博學有操行見重鄉里洪

武末年舉耆儒經學授高密教諭尋改莘縣教人律以規矩不  
尚詞華未幾陞高郵知州廉能公正勤於政務凡農桑學校極  
力興舉吏民悅服永樂元年陞寶慶知府尋召爲通政司右通  
政二年命兼右春坊右中允本年陞湖廣左布政使簡易凝重  
得大臣體未幾以事謫流六年以廷臣薦徵拜禮部左侍郎遇  
崇務別是非不少附會十一年十二月歲除欽天監奏明年元  
旦日有食之禮部尚書呂震請朝賀如常儀且謂不同時智對

畢竟同日宜免賀震不從及大學士楊士奇然智言且援宋仁宗時事爲証 上命如智議十四年 上命擇廷臣輔 皇太子楊士奇舉智且曰儀雖年老然道理明執守固廷臣未見其比 上首然之特命輔導每遇書史必及復啟迪以正心術爲本十九年以年八十致仕後卒於家贈太子少保謚文簡子銘以智蔭歷太子太保兵部尚書蔚綬詳南京禮部尚書永樂六年任右侍郎

古朴字文質河南開封府陳州人洪武中鄉貢爲太學生奉

命清理郡縣田賦圖籍丁父喪歸二十年服闋隸五軍斷事理刑遂奏家貧願仕得祿養母 太祖嘉之除工部營部主事授承

仕郎迎母就養京師二十六年母歿官給舟歸葬二十八年服闋改兵部司馬部主事二十九年陞武選司員外郎授奉訓大夫三十年陞郎中授奉議大夫革除三年陞兵部右侍郎授嘉議大夫壬午年 成祖正大統改戶部右侍郎轉左侍郎授通議大夫賜文綺製衣四年因建北京命採木江西有愛民之心竣事特被賜賚七年 上巡狩北京侍 仁宗監國常奉 命權禮部兵部及詹事府事十八年扈行在洪熙元年改通政使是歲改戶部尚書詳南京戶部

金純詳本部尚書永樂十四年任左侍郎

易英字



湖廣岳州府澧州人洪武中以文學授澧州訓導

三十一年陞工部虞衡司主事革除中進郎中永樂元年陞河南左叅議六年調浙江左叅議十六年陞禮部左侍郎十七年卒於官

胡濙字源潔直隸常州府武進縣人革除庚辰進士授兵科給事中遷右給事中永樂改元以奏稱旨陞戶科都給事中五年丁亥上察濙可托命巡遊天下察人心向背以性理大全爲善陰薦孝順事實俾勸勵天下窮鄉下邑軌跡無不到十四年還朝丁憂乞守制不允一日侍成祖奏事獨召至膝前曰古人有言德勝才謂之君子才勝德謂之小人眼前豈乏幹辦之才求一好人難耳吾欲用汝但汝官小數日召吏部特

陞禮部左侍郎十六年六月遣巡江浙諸郡詳禮部尚書

國朝列卿紀卷之四十三

終